

續

通

志

元紀

冊八第

編修臣陸伯焜
檢討臣彭元琬
恭校

續通志

元紀十四

仁宗

仁宗皇帝諱阿裕爾巴里巴特喇武宗母弟也至元二

十二年三月丙子生大德九年冬十月成宗有疾中宮

秉政命帝同母出居懷州按續綱目載仁宗出居懷州係大德九年七月事與元紀

異謹所過郡縣供帳華侈悉令撤去嚴飭扈從毋擾於

民民皆感悅十一年春正月成宗崩時武宗為懷寧王

總兵北邊左丞相阿固岱等潛謀推成后巴約特氏稱

旁注高改八

至元二十二年之下面三行發懷
州改武宗為懷寧王德兵北
北邊而成宗崩后巴約特氏與
左丞相阿固岱等議立安西王阿南
達右丞相哈喇哈斯和其謀急遣
迎帝時帝方奉母湯哩吉尼居
懷州使至即奉母進發

河改水

綾匹改東帛

元妃剛

制。且欲立安西王阿南達。議未決。右丞相哈喇哈斯知其謀。恐內難作。急遣使迎帝。帝從李孟言。即日奉母元妃發懷州。至衛輝。抵漳河。值大風雪。田叟有以孟粥進者。近侍卻不受。帝曰。昔漢光武為寇兵所逼。嘗食豆粥。大丈夫不備嘗艱阻。庸知稼穡艱難。命取食之。賜叟綾一匹。慰遣之。行次邯鄲。諭守令曰。吾慮衛士不法。胥吏科斂重為民困。乃命王傳沿途巡察。二月辛亥。至大都。與母元妃入哭盡哀。仍出居舊邸。朝夕入奠。時哈喇哈斯稱疾守宿掖門。夜遣人啓曰。懷寧王遠不能猝至。恐

按三月丙辰元史誤作丙寅今考成宗紀及哈喇哈斯傳改正謹加案聲明

按仁宗出居懷州年月續綱目所載與元紀異謹加案聲明

豈欲下加作威

元妃剛

甲申剛
六月勾剛

變生不測。當先事而發。三月丙辰。丙辰元史作丙寅。按成宗紀是年正月丙辰朔。則丙寅當在三月初旬以外。考哈喇哈斯傳云。三月初朔。列牘請署。后決以三月三日。御殿聽政。明日。迎仁宗入。執阿固岱等誅之。是仁宗之入。在三月二日。不應為丙寅明矣。謹識。帝率衛士入內。召阿固岱等。責以亂祖宗家法。命執之。鞫問辭服。皆伏誅。諸王庫庫楚。伊克圖等曰。今罪人斯得。太子實世祖之孫。宜早正天位。帝曰。王何為出此言。彼惡人潛結宮壺。搆亂我家。故誅之。豈欲覬望神器耶。懷寧王。吾兄也。正位為宜。乃遣使迎武宗於北邊。五月乙丑。帝與母元妃會武宗於上都。甲申。武宗即位。六月癸巳朔。立帝為皇

金寶下加乃

刊行下加以賜進目
十一月句改尋

八月刪

汝等當下加 廣進賢不

言者之次頁一行如初改也

臨改 居內殿

伏誅下加杖 下杖字刪

太子受金寶。遣使四方。旁求經籍。識以玉刻印章。命近侍掌之。時有進大學行義者。命詹事王約等。節而譯之。帝曰。治天下。此一書足矣。因命與圖象孝經列女傳並刊行。十一月戊寅。受玉冊。領中書省樞密院。至大二年八月。立尚書省。帝兼尚書令。詹事院臣啓。金州獻瑟瑟洞。請遣使采之。帝曰。所寶惟賢。瑟瑟何用焉。若此者。後勿復聞。有近侍言。賈人售美珠者。帝曰。吾服御不喜飾珠璣。以生民膏血。不可輕耗也。汝等當以恭儉愛人。相規。不可以奢靡蠹財相導。言者慚而退。淮東宣慰使實

都獻玉觀音七寶帽頂寶帶寶鞍。卻之。戒諭如初。四年春正月庚辰。武宗崩。帝入臨。壬午。即罷尚書省。以丞相托克托。三寶努。平章約蘇。右丞保已。左丞孟克特穆爾。參政王罷。變亂舊章。流毒百姓。命中書右丞相塔斯布哈。知樞密院事。特穆爾布哈等參鞫。丙戌。托克托。三寶努。約蘇。保已。王罷。伏誅。孟克特穆爾杖流海南。壬辰。罷城中都。召世祖朝諳知政務老臣。平章程鵬飛。董士選。太子少傅李謙。少保張律。右丞陳天祥。尚文。劉正。左丞郝天挺。中丞董士珍。太子賓客蕭剡。參政劉敏中。王思

廉韓從益侍御趙君信廉訪使程鉅夫

程鉅夫續通鑑作程文海按本

傳鉅夫本名文海避武宗諱以字行謹識

杭州路達魯噶齊阿哈瑪特給傳

詣闕同議庶務乙未禁百官役軍人營造及守護私第

丁酉以雲南行中書省左丞相特們德爾為中書右丞

相太子詹事鄂勒哲集賢大學士李孟並平章政事戊

戌以塔斯布哈及徽政院使實沙並為御史大夫己亥

改行尚書省為行中書省庚子停各處營造罷廣武康

里衛追還印符驛券璽書及其萬戶等官宣敕辛丑以

達實特穆爾知樞密院事壬寅禁鷹坊馳驛擾民敕中

復王之使司刪

按鉅夫係程文海字本傳甚
悉謹加案聲明

聽民採樵禁刪改及

陞典訂刪

書凡傳旨非親奉者勿行二月復玉宸樂院為儀鳳司
改延慶司為都功德使司乙巳命和琳江浙行省依前
設左丞相餘省唯置平章二員遙授職事勿與戊申罷
運江南所印佛經辛亥禁諸王駙馬權豪擅據山場聽
民樵採禁宣政院違制度僧甲寅司徒蕭珍以城中都
徼功毒民命追奪其符印令百司禁錮之還中都所占
民田罷江南行通政院行宣政院甲子陞典內司為典
內院命中書平章李孟領國子監學諭之曰學校人材
所自出卿等宜數詣國學課試諸生勉其德業敕諸王

按丁卯庚辰之間不應有庚子日無可據改姑仍其舊謹加案聲明

駙馬食戶在縉山懷來等縣者與民均服徭役諸司擅奏除官者毋給宣敕御史臺臣言白雲宗總攝所統江南為僧之有髮者不養父母避役損民乞追收所受璽書銀印勒還民籍從之罷福建繡匠河南魚課兩提舉司省宣徽院參議斷事官丁卯命西番僧非奉璽書驛券及無西蕃宣慰司文牒者勿輒至京師仍戒黃河津吏驗問禁止罷總統所及各處僧錄僧正都綱司凡僧人訴訟悉歸有司罷仁虞院復置鷹坊總管府庚子按丁卯庚辰間不應有庚子日非庚午即丙子之訛謹識命廣西靜江融州軍民官鎮

復典冊

受諸王冊

天下冊

守三載無虞者民官減一資軍官陞一階著為令三月庚辰召前樞密副使吳元珪左丞貝降額卜德呼勒至京師同諸老臣議事丙戌罷五臺行工部己丑命母赦十惡大逆等罪復典瑞院為典瑞監庚寅即皇帝位於大明殿受諸王百官朝賀大赦天下辛卯禁民間製金箔銷金織金以御史中丞李士英為中書左丞丁酉命伊徹察喇依前太師宣徽使特爾格為太傅集賢大學士庫春為太保敕百司改陞品級者悉復至元舊制是月帝諭省臣曰卿等裒集中統至元以來條章擇曉法

律老臣。斟酌重輕。折衷歸一。頒行天下。俾有司遵行。則抵罪者。庶無冤抑。又諭太府監臣曰。財用足。則可以養萬民。給軍旅。自今雖一繒之微。不言於朕。毋輒與人。以陝西行尚書省左丞額卜德呼勒為中書右丞。昭文館大學士察罕參知政事。中書平章政事知樞密院事綽和爾。欽察親軍都指揮使托和齊巴圖爾。中書右丞相知樞密院事特穆爾布哈。錄軍國重事知樞密院事伊蘇。知樞密院事兼山東河北蒙古軍都萬戶額森特穆爾。遙授左丞相仁虞院使額爾吉。太子詹事伊魯特穆

爾。並知樞密院事。夏四月壬寅。詔分汰宿衛士。漢人高麗南人冒入者。還其原籍。丁未。以太子少保張律為江浙平章。戊申。以即位告天地於南郊。癸丑。詔路府州縣官三年為滿。罷典醫監。丁巳。罷中政院。戊午。以即位告於太廟。辛酉。敕國子監師儒之職。有才德者。不拘品級。雖布衣亦選用。癸亥。敕諸使臣非軍務急速者。毋給金字圓牌。定四宿衛士歲賜鈔二十四萬二百五錠。罷中都留守司。復置隆興路總管府。乙丑。封知樞密院事特穆爾布哈為宣寧王。丁卯。罷至大錢鈔。罷僧道伊囉勒

復度支三行太常寺刪改
壬午拘諸王駙馬及有司驛券白令
遣使悉從中書省給降

昆達實密頭陀白雲宗諸司。改封親王德勒格爾布哈
為湘寧王。食湘鄉州寧鄉縣六萬五千戶。罷通政院。以
其事歸兵部。增置尚書員外郎各一員。罷回回哈達司
屬。五月壬申。以宦者塔舒爾為利用監卿。癸酉。八百媳
婦蠻與大小徹里蠻寇邊。命雲南王及右丞阿固岱以
兵討之。改封乳母夫壽國公楊德榮為雲國公。丙子。命
翰林國史院纂修先帝實錄。及累朝皇后功臣列傳。俾
百司悉上事蹟。庚辰。敕中書省裁省冗司。復度支院為
監。罷泉府司。長信院。司裡監。壬午。定翰林國史院承旨

五員。學士侍讀侍講直學士各二員。置祥和署。掌伶人。
金齒諸國獻馴象。戊子。羅鬼蠻來獻方物。甲午。復太常
禮儀院為太常寺。是月。禁民捕駕鵝。六月癸卯。敕宣政
院。凡西番軍務必移文樞密院同議以聞。吐蕃犯永福
鎮。敕宣政院與樞密院遣兵討之。乙巳。命侍臣咨訪內
外才堪佐國者。悉以名聞。丙午。以內侍楊光祖為祕書
卿。譚振宗為武備卿。關居仁為尚乘卿。並授弘文館學
士。癸丑。復太府院為太府監。省上都兵馬指揮為五員。
甲寅。封伊蘓台為懷仁郡王。丁巳。敕翰林國史院。春秋

己未二白刪改 此何為哉己未

置儀之行注刪

按武宗紀載請諡上諡皆係五月與此異謹加案聲明

致祭太祖太宗睿宗御容。歲以為常。命和琳行省右丞巴喇瑪索和爾經理青海屯田。大同路宣寧縣民家牸牛產犢。頗類麒麟。車載以獻。左右曰。古所謂瑞物也。帝曰。五穀豐熟。百姓安業。乃為瑞也。己未。復置長信寺。封樞密使博囉為澤國公。庚申。敕自今諸司白事。須殿中侍御史侍側。癸亥。復雲州銀場提舉司。置儀鸞局。甲子。請大行皇帝諡於南郊。上尊諡曰仁惠宣孝皇帝。廟號武宗。按武宗紀。上諡請諡。皆在五月乙未。與此不符。謹識。丙寅。拘收泉府司原給諸商販壘書。丁卯。罷扎哈齊。巴勒噶遜所造上供酒。己

己。衛王阿穆爾克入見。帝諭省臣曰。朕與阿穆爾克同父而異母。朕不撫育。彼將誰賴。其賜鈔二萬錠。他勿援例。帝覽貞觀政要。諭翰林侍講額琳特穆爾曰。此書有益於國家。其譯以國語刊行。俾蒙古色目人誦習之。秋七月辛未朔。拘還遼陽省官提調諸事圓符壘書驛券。裁減虎賁司職員。甲午。置經正監。掌蒙古軍牧地。官五員。己亥。詔諭省臣曰。朕前戒近侍。毋輒以文記傳旨中書。自今敢有犯者。不須奏聞。直捕其人。付刑部究治。敕御史臺臣。選更事老成者。為監察御史。閏月辛丑。命國

甲午之五員刪

子祭酒劉賡詣曲阜以太牢祠孔子。甲辰車駕將還大都。太后以秋稼方盛。勿令鷹坊駝人衛士先往。庶免害稼。擾民。敕禁止之。丙午奉武宗神主祔於太廟。戊申封李孟秦國公。命額琳沁策喇實為司徒。己酉吐番寇禮店文州。命總帥額琳沁等討之。辛亥以西僧藏布班巴爾為國師。戊午復置司裡監。己未詔諭省臣曰。國子學世祖皇帝深所注意。如平章博果密等皆蒙古人而教以成才。朕今親定國子生額為三百人。仍增陪堂生二十人。通一經者。以次補伴讀。著為定式。敕軍官七十致

仕。始聽子弟承襲。其有未老即託疾引年。令幼弱子弟襲職者。除名不敘。其巧計求遷者。以違制論。乙丑魯國大長公主僧格喇實進號皇姊大長公主。遣使招諭黑水白水等蠻十二萬餘戶來降。丁卯鄂勒哲李孟等言。方今進用儒者。而老成日以凋謝。四方儒士成才者。請擢任國學翰林秘書太常。或儒學提舉等職。俾學者有所激勸。帝曰。卿言是也。自今勿限資級。果才而賢。雖白身亦用之。禁醫人非選試及著籍者。毋行醫藥。八月己巳朔。裁定京朝諸司員數。並依至元三十年舊額。以近

侍吹喇實為戶部尚書。丙戌。安南世子陳日養奉表以方物來貢。敕西番軍務隸宣政院。九月己亥朔。遙授左丞相布哈進太尉。丙午。安南國王陳益稷入見。言臣自世祖朝來歸。妻子皆為國人所害。朝廷因遙授湖廣平章。仍與王爵。賜漢陽田五百頃。俾自贍。以終餘年。今臣年幾七十。而有司拘臣所授田。就食無所。帝謂省臣曰。安南國王慕義來歸。宜厚其賜。以懷遠人。其進勲爵。受田如故。戊申。禁民彈射飛鳥。殺馬牛羊當乳者。庚戌。命樞密院大閱各省軍馬。壬子。改至大五年為皇慶元年。

改至大五冊改 詔改明

都水監卿茂巴爾斯傳旨給驛。往取杭州所造龍舟。省臣諫曰。陛下踐阼。誕告天下。凡非宣索。毋得擅進。誠取此舟。有乖前詔。詔止之。復置中宮位下。齊哩克昆諸色民匠打捕鷹坊都總管府。丙寅。敕省部官勿托以宿衛廢職。罷西番茶提舉司。冬十月戊辰朔。有事於太廟。己巳。敕繪武宗御容。奉安大崇恩福元寺。月四上祭。辛巳。以蘄縣萬戶府鎮慶元。紹興沿海萬戶府鎮處州。宿州萬戶府兼鎮台州。戊子。省海道運糧萬戶為六員。千戶為七所。特授故太師阿爾妻子穆哩庫榮祿大夫。知樞

己巳之九行七冊改丁丑禁諸僧寺毋得侵冒民田辛巳罷宣政院埋問僧人詞訟

壬辰之畜牧刪
詔刪

密院事。辛卯。罷諸王斷事官。其蒙古人犯盜詐者。命所隸千戶鞫問。壬辰。詔收至大銀鈔。置羣牧監。掌興聖宮位下畜牧。癸巳。詔置汴梁平江等處田賦提舉司。掌大承華普慶寺貲產。十一月戊戌。封司徒穆蘓為趙國公。辛丑。立乖西府。以土官阿馬知府事。佩金符。李孟奏。錢糧為國之本。世祖朝量入為出。恒務撙節。故倉庫充牣。今每歲支鈔六百餘萬錠。又土木營繕百餘處。計用數百萬錠。內降旨賞賜。復用三百餘萬錠。北邊軍需。又六七百萬錠。今帑藏見貯止十一萬餘錠。若此安能周給。

自今不急浮費。宜悉停罷。帝納其言。凡營繕悉罷之。辛亥。諸王布琳尼敦等。誣班布爾實以不法。詔竄布琳尼敦。圖罕。於河南。伊克鼐爾。於揚州。納琳。於湖廣。台納。於江西。巴勒楚。納克。於雲南。己未。以遼陽省平章政事。哈薩。為中書平章政事。丙寅。加徽政使。羅源。為大司徒。十二月辛未。增置經正監官。為八員。置尚牧所。掌太官羊。癸酉。封宣政會福院使。溫普。為秦國公。增置兵部侍郎。郎中各一員。甲申。以浙西水災。免漕江浙糧四分之一。存留賑濟。命江西湖廣。補運輸京師。占城遣使奉表貢。

辛未之官羊刪

增置之一員刪

占城之下面一行方物刪

方物。庚寅申禁漢人持弓矢兵器田獵。曲赦大都大辟囚一人。并流以下罪。辛卯。裁宗正府官為二十八員。遣官監視。焚至大鈔。乙未。命李孟整飭國子監學。中書省臣言。世祖定立選法陞降。以示激勸。今官未及考。或無故更代。或躡等進階。僭受國公丞相等職。諸司已裁而復置者有之。今春以內降旨除官千餘人。其中欺偽。豈能悉知。壞亂選法。莫此為甚。帝曰。凡內降旨。一切勿行。遣禮部尚書奈瑪台等齎詔往諭安南。並頒皇慶元年曆日。

壬子刪

裁之下加 癸卯救諸僧犯姦盜詐偽門訟仍令有司專治之

戊申之鎮衛刪

己卯之象三刪改 甲戌制定 封贈名爵等級

皇慶元年壬子春正月庚子。帝諭御史大夫塔斯布哈曰。凡大臣不法。卿等劾奏毋避。朕自裁之。甲辰。授太師錄軍國重事。知樞密院事。多爾濟戡開府儀同三司。嗣淇陽王。戊申。改隆鎮萬戶府為隆鎮衛。庚戌。封知樞密院事綽哈為安遠王。出總北軍。戊午。改封濟王圖烈納為吳王。加崇福使阿哩雅秦國公。二月丁卯朔。徙大都路學所置周宣王石鼓於國子監。己卯。置衛龍都元帥府。以右阿蘇衛隸之。八百媳婦來獻馴象二。壬午。封博囉為永豐郡王。置德安府行用鈔庫。罷莊浪州唐古干

丙戌之八員刪改 庚寅救嶺北
賑開食流民賑山東流民之河
南境者
已亥之壽節刪

罷衛之一員刪

改翰三員刪

以都司刪改 簡控鶴士還本
籍
幸改如

戶所。丙戌省樞密斷事官為八員。三月丁酉朔。罷諸王
大臣私第營繕。己亥。以生日為天壽節。庚子。加御史大
夫和尼齊開府儀同三司。罷衛龍都元帥府。丁未。置內
正司。卿少卿丞各一員。戊申。以前河南行省平章政事
塔斯哈雅為御史大夫。改翰林國史院司直司為經歷
司。置經歷都事各一員。置五臺寺濟民局。丙辰。封同知
徽政院事常布呼齊為趙國公。乙丑。封諸王塔斯布哈
為恩平王。夏四月丁卯。以都水監隸大司農寺。置察罕
淖爾捕盜司。癸酉。車駕幸上都。壬午。敕僧人田。除宋之

置隆的刪

按哈克繼為左丞相張律為
平章政事宰相表所載年月
皆與紀異謹加案聲明

舊有。并世祖所賜外。餘悉輸租如制。封知樞密院事穆
哩庫為廣平王。庚寅。大崇恩福元寺成。置隆禧院。五月
丙申朔。以中書平章政事哈克繼為中書左丞相。江浙
行省平章張律為中書平章政事。按宰相表。哈克繼為
左丞相。在九月。張律

為平章政事。在三年
正月。皆與此異。謹識。知樞密院事額森特穆爾授開府

儀同三司。壬寅。禁諸王農時出獵。丁未。縉山縣行宮建
涼殿。六月乙丑朔。日有食之。己巳。敕李孟博選中外才
學之士。任職翰林。丁亥。敕罷封贈。誠左右守法度。勤職
業。勿妄僥倖加官。秋八月丁丑。罷司裡監。己卯。以吏部

丁丑二員刪

壬午三旬刪

辛丑之御容刪
陞改以

尚書許師敬為中書參知政事。庚辰。帝還大都。壬午。置少府監。隸大都留守司。辛卯。敕雲南省右丞阿固岱等領蒙古軍。從雲南王討八百媳婦蠻。安南國王陳益稷來朝。九月丁酉。增江浙海漕糧二十萬石。戊戌。罷征八百媳婦蠻。大小徹里蠻。以璽書招諭之。辛丑。命司徒田忠良等詣真定玉華宮。祀睿宗御容。甲辰。陞參議中書省事鄂博哈雅為參知政事。冬十月甲子。有事於太廟。雲南行省右丞索勒濟爾威有罪。國師楚斯節巴咱爾奏請釋之。帝斥之曰。僧人宜誦佛書。官事豈當與耶。癸

戊子之舉司刪

赦天下改大赦

按諸王表載托克托穆爾進封年月與紀異謹加案聲明

占城國勾刪

未。以中書參知政事察罕為中書平章政事。商議中書省事。戊子。翰林學士承旨伊爾齊布哈等進順宗成宗武宗實錄。罷造船提舉司。辛卯。赦天下。賜李孟潞州田二十頃。十一月丙午。諭六部官毋踰越中書奏事。丙辰。封駙馬托克托穆爾為岐王。按諸王表。托克托穆爾以延祐四年由濮陽王進封。與此異。庚申。占城國進犀象。緬國主遣其塔及雲南不農蠻酋長岑福來朝。十二月癸亥。中書平章政事李孟致仕。以樞密副使張珪為中書平章政事。癸酉。遣使分道決囚。庚辰。知樞密院事達實密罷。省海道運糧萬戶

省海道之四員刪

一員。增副萬戶為四員。甲申。鷹坊布哈濟勒請往河南湖廣括取孔雀珍禽。敕以擾民不允。丁亥。遣官祈雪於社稷。嶽鎮海瀆。省臣言中書職在總挈綱維。比者行省六部諸司應決不決者。往往作疑咨呈。以致文繁事弊。詔體世祖立中書初意。定擬程式以聞。俾遵行之。己丑。宗王女巴勒丹給驛取江南田租。命拘還驛券。是月。諸王吹丹叛。

二年癸丑春正月甲午。以察罕淖爾等處宣慰使布呼為御史大夫。辛丑。封前尚書右丞相竒塔特布濟克為

癸丑刪

壬戌之政院刪

安吉王。丙午。寧王庫庫楚薨。丁未。以太府卿圖古勒為中書右丞相。己未。置遼陽行省儒學提舉司。二月壬戌。改典內院為中政院。己卯。免徵益都饑民所貸官糧二十萬石。各寺修佛事。日用羊九千四百四十。敕遵舊制。易以蔬食。辛巳。詔以錢糧造作訴訟等事。悉歸有司。以清中書之務。壬午。西北諸王額森布哈進馬駝璞玉。丁亥。帝諭左右曰。回回以寶玉鬻於官。朕思此物何足為寶。唯善人乃可為寶。善人用。則百姓安。茲國家所宜寶也。三月丙申。以御史中丞托歡達爾罕為御史大夫。丙

壬午之丁亥刪改 丁亥功德使
以佛事奏釋重囚不允

甘雨句刪
幸改如

壬午之國史刪

午。冊立皇后鴻吉哩氏。壬子。御史中丞郝天挺上疏論時政。帝嘉納之。丙辰。以亢旱既久。帝於宮中焚香默禱。遣官分禱諸祠。甘雨大注。夏四月乙亥。車駕幸上都。丙子。高麗王辭位。以其世子王燾為征東行中書省左丞相。上柱國。封高麗國王。辛巳。加御史大夫布呼開府儀同三司太傅。壬午。置中瑞司。甲申。詔遴選賢士纂修國史。乙酉。御史臺臣言。富人夤緣特旨。濫受官爵。微政宣徽用人。率多罪廢之流。近侍託為貧乏。互奏恩賞。西僧以作佛事之故。累釋重囚。外任之官。身犯刑憲。輒營求

制日之方物刪改從之

陞改以

內旨以免罪。諸王駙馬寺觀臣僚土田。每歲徵租。亦極為擾民。請悉革其弊。制曰可。安南國遣使來貢方物。五月辛丑。陞中書右丞額卜德呼勒為平章政事。左丞巴勒托音為右丞。參知政事鄂博哈雅為左丞。參議中書省事圖爾哈特穆爾為參知政事。六月癸亥。圖古勒等以災異乞賜放黜。不允。辛未。以參知政事許思敬綱領國子學。壬午。命監察御史檢察監學官。考其殿最。甲申。建崇文閣於國子監。以宋儒周敦頤程顥程頤張載邵雍司馬光朱熹張栻呂祖謙及故中書左丞許衡從祀孔子。

國子學下加 乙亥詔僧俗爭
訟有司及主僧同問續置去田
加利輸稅

廟廷。秋七月癸巳。以作佛事。釋囚徒二十九人。甲午。置
榷茶批驗所。并茶由局官。庚子。立長秋寺。掌武宗皇后
宮政。辛丑。復立四川等處儒學提舉司。八月丁卯。帝還
大都。庚午。以侍御史薛居敬為中書參知政事。九月。以
薩斯嘉巴為帝師。癸巳。以宣徽院使鄂勒哲知樞密院
事。戊申。封托歡為安定王。敕鎮江路建銀山寺。勿徒寺
傍瑩冢。京師大旱。帝問弭災之道。翰林學士程鉅夫舉
湯禱桑林事。帝獎諭之。冬十月己卯。敕中書省議行科
舉。封博迪穆爾為安德王。十一月甲辰。行科舉。詔天下

以皇慶三年八月。天下郡縣興其賢者能者。充貢有司。
次年二月。會試京師。中選者。親試於廷。賜及第出身有
差。帝謂侍臣曰。朕所願者。安百姓以圖至治。然匪用儒
士。何以致此。設科取士。庶幾得真儒之用。而治道可興
也。十二月辛酉。克里瑪鼎上所編萬年曆。海都都勒翰
屬戶內附。敕所在給衣糧。丙子。定百官致仕資格。

前三行不用
四行跟前提行起

甲寅刪

詔刪

延祐刪

續通志

元紀 十五

仁宗

延祐元年甲寅春正月丁亥。授中書右丞劉正平章政事。商議中書省事。庚子。敕各省平章為首者。及漢人省臣一員。專意訪求遺逸。苟得其人。先以名聞。而後致之。以江浙行中書省左丞高昉為中書參知政事。丁未。詔改元延祐。釋天下流以下罪囚。免上都大都差稅二年。其餘被災曾經賑濟人戶。免差稅一年。庚戌。中書省臣圖魯

詔刪

按右丞相圖嚕庫罷代以哈克繼本紀原文所載未免疎畧今據續綱目及宰相表改謹加案聲明

癸卯之入貢刪改已以作佛事擇釋獄命書審察

幸改如

按本傳載察罕致仕年月與紀異謹加案聲明

庫以災變乞罷不久二月庚申立印經提舉司甲戌以侍御史趙世延為中書參知政事詔免蒙古地差稅二年商賈勿免壬午圖嚕庫罷以哈克繼為中書右丞相

按續綱目圖嚕庫罷以哈克繼為右丞相宰相表圖嚕庫亦於是年二月罷本紀原文上書圖嚕庫乞罷不久即繼以哈克繼之命于宰相監修國史癸未以中書參政更代書法殊為疎畧謹據增

高昉為集賢學士三月癸卯暹國王遣其臣愛耽入貢丙午封阿嚕圖為趙王戊申車駕幸上都己酉敕姦民宮其子為閹宦謀避徭役者罪之辛亥命參知政事趙世延綱領國子學癸丑中書平章政事察罕致仕

按察罕本

傳致仕在皇慶元年與紀異謹附識晉寧民侯喜兒昆弟五人並坐法當

死帝嘆曰彼一家不幸而有是事其擇情輕者一人杖

之俾養父母毋絕其祀閏月甲寅朔敕減樞密知院各冗

員辛酉罷呪僧月給俸遣人視大都至上都駐蹕之地有侵

民田者計畝給直丁丑馬八兒國主昔刺木丁遣其臣

愛思丁貢方物夏四月丁亥太常寺臣請立北郊不久壬

辰諸王托克托薨以諤斯伯襲位己酉敕郡縣官勤職

者加賜幣帛以特們德爾錄軍國重事監修國史立回回

國子監帝以資治通鑑載前代興亡治亂命集賢學士

丁丑之方物刪

增置句刪

詔開改弛

癸卯之次頁注文刪改九月

和塔拉都哩默色及李孟擇其切要者譯寫以進五月
丁卯賜李孟孝感縣地二十八頃禁諸王支屬徑取分
地租賦擾民敕嶺北行省瘞陣沒遺骸戊寅京兆為故
儒臣許衡立魯齋書院降璽書旌之六月戊子敕內侍
今後止授中官勿畀文階置雲南行省儒學提舉司封
河南省丞相布琳濟達為河南王壬辰增置畿內州縣
同知主簿各一員發軍增墾河南芍陂等處屯田秋七
月庚午命中書省臣議復封贈詔開下番市舶之禁八
月戊子車駕至大都癸卯陞太常寺為太常禮儀院九

按改提點教坊司及降儀鳳
卿二事志所載年分均與紀
異謹加案聲明

降儀以下并注冊

月壬戌改提點教坊司事為大使

按志改提點教坊事
在延祐七年與紀異

己巳復以特們德爾為右丞相哈克繖為左丞相罷

陝西諸道行御史臺降儀鳳卿為儀鳳大使

志內降儀
鳳司事亦

在七年冬十月乙未敕吏人轉官止從七品在選者降等

注授敕下番商販須江浙省給牒以往歸則征税如制
私往者沒其物遣官括淮民所佃閒田不輸稅者丙申
復甘肅屯田置沙瓜等處屯儲總管萬戶府庚戌監察
御史言乞命樞密院設法教練士卒應軍官襲職者試
以武事而後任之制曰可遣張律經理江南田糧十一

制可改從之

月壬子。陞司天臺為司天監。賜銀印。乙卯。置保安軍於麻陽縣。以禦猛蠻。戊辰。以通政院使蕭拜珠為中書右丞。辛未。以翰林學士承旨達實密知樞密院事。癸酉。敕吏人賊行者黜其面。戊寅。以前中書右丞相圖魯庫知樞密院事。十二月辛卯。禁諸王駙馬權勢之人。增價鬻鹽。壬辰。詔定官員士庶衣服車輿制度。己亥。敕中書省定議孔子五十三代孫當襲封衍聖公者以名聞。庚子。遣官浚揚州淮安等處運河。以翰林學士承旨李孟復為中書平章政事。乙巳。敕經界諸衛屯田。

乙卯冊

詔冊

詔冊

二年乙卯春正月己巳。置大聖壽萬安寺都總管府。庚午。立行用庫於江陰州。乙亥。詔遣宣撫使分十二道。問民疾苦。黜陟官吏。並給銀印。命中書省臣分領庶務。二月己卯朔。會試進士。庚子。詔以恭噶諾爾布喇實置勒燦巴勒藏布為帝師。賜玉印。壬寅。雲南王羅丹來朝。辰沅洞蠻吳干道為寇。敕調兵捕之。三月乙卯。廷試進士。賜呼圖克岱爾張起巖等五十六人。及第出身有差。按是為左右榜之始。元自世祖時議定科舉新制。未及行。至是始以蒙古色目人為右榜。漢人南人為左榜。每三歲一試。其授官兩榜皆同。蓋四十餘年之創舉也。庚午。帝率諸王百官奉玉冊玉

按元定科舉制三歲一試分蒙古色目人與漢人南人為左右榜迺祐二年創舉謹加案聲明

帝率之下面行寶冊改以

寶加上皇太后尊號曰儀天興聖慈仁昭懿壽元全德泰
寧福慶皇太后。詔天下蠲逋欠稅課。丁丑。以中書平章
張律為江浙行省平章政事。夏四月戊寅朔。日有食之。
辛巳。賜進士恩榮宴於翰林院。辛丑。賜會試下第舉人
七十以上從七品流官致仕。六十以上府州教授。餘並
授山長學正。後勿援例。敕諸王分地。仍以流官為達嚕
噶齊。各位所辟為副達嚕噶齊。命李孟等類集累朝條
格。俟成書聞奏頒行。立規運提點所。置官四員。廣貯庫
置官二員。並隸壽福院。乙巳。車駕幸上都。加授特進上

立規之福院刪

幸改如

乙未之鳳翔刪

卿玄教大宗師張留孫開府儀同三司。丙午。封諸王徹
伯爾為汝寧王。五月戊申朔。復立陝西諸道行御史臺。
庚午。立海西遼東鷹坊萬戶府。隸中政院。壬申。諸王實
都實喇薨。甲戌。加授宦者中尚卿續元暉。昭文館大學
士。六月乙未。徙陝西廉訪司於鳳翔。辛丑。以濟寧益都
亢旱。汰省宿衛士芻粟。丙午。緬國主遣其子脫刺合等
來貢方物。秋七月甲寅。改扎哈齊巴勒噶遜總管府為
尚供府。乙卯。贛州土賊蔡五九聚眾作亂。敕遣兵捕之。
敕阿蘇衛戶貧乏者。給牛種耕具於拉薩哩地屯田。癸

丙午之方物刪

贛州賊刪
僭稱王號刪

率兵刪

按信豐史誤作新豐今據地理志改謹加案聲明

制可改從之

酉。命特們德爾總宣政院事。八月丙戌。贛州賊蔡五九陷汀州寧化縣。僭稱王號。詔遣江浙行省平章張律等率兵討之。己丑。車駕至自上都。乙未。臺臣言蔡五九之變。皆由彙智密鼎經理田糧。與郡縣橫加酷暴。逼抑至此。信豐一縣。信豐。元史作新豐。按蔡五九之變。起自贛州。應指江西之信豐為是。謹據地理志改。撤民廬千九百區。虛張頃畝。流毒居民。乞罷經理。及冒括田租。制曰可。壬寅。增國子生百員。歲貢伴讀四員。詔江浙行省印農桑輯要萬部。頒降有司。遵守勸課。九月丁未。張律以括田逼死九人。敕吏部尚書王居仁等鞫

救刪

陞改以

之。壬戌。蔡五九眾潰伏誅。餘黨悉平。敕賞軍士討捕功。并官其死事者子孫。冬十月丁丑。封托和齊為威寧郡王。浩爾齊特穆爾布哈為趙國公。庚辰。以淮西廉訪使郭貫為中書參知政事。壬午。有事於太廟。乙未。陞同知樞密院事特穆爾圖知樞密院事。授白雲宗主沈明仁榮祿大夫司空。丁酉。加授特們德爾太師。十一月甲戌。封和實拉為周王。出鎮雲南。十二月庚寅。增置平江路行用庫。癸巳。命省臣定擬封贈通例。俾高下適宜。以聞。旌表汀州寧化縣民賴祿孫孝行。

丙辰刪

仍給印冊

改直沽印冊
陞改以

幸改如

三年丙辰春正月乙巳。特授實保齊巴勒噶遜達嚕噶齊托歡金紫光祿大夫太尉。仍給印。丙午。封前中書左丞相和爾岱爾壽國公。以真定保定。荐饑禁畋獵。改直沽為海津鎮。辛酉。陞同知樞密院事瑪魯知院事。二月丁丑。調海口屯儲漢軍千人。隸臨清運糧萬戶府。以供轉漕。三月辛亥。特授高麗王世子王暘開府儀同三司。瀋王加授將作院使。呂天麟大司徒。甲寅。敕蕭拜珠及陝西四川省臣各一員。護送周王之雲南。置周王常侍府。癸亥。車駕幸上都。壬申。禁天下春時畋獵。夏四月癸

戊子二句刪

陞改以

酉朔。河南流民羣聚渡江。所過擾害。命行臺廉訪司以見貯贓鈔賑之。壬午。敕衛輝昌平守臣修殷比干。唐狄仁傑祠。歲時致祭。戊子。陞印經提舉司為廣福監。庚子。以上都留守哈喇格爾知樞密院事。五月辛亥。以江西行省右丞相庫春為大司徒。庚申。以大都留守拜特穆爾為中書平章政事。陞中書右丞蕭拜珠為平章政事。左丞鄂博哈雅為右丞。參政郭貫為左丞。參議布哈為參知政事。庚午。置甘肅儒學提舉司。遼陽金銀鐵冶提舉司。六月乙亥。制封孟軻父為邾國公。母為邾國宣獻

制封之下面一行夫人刪

案伊嚕特穆爾封保恩王諸
王表載在延祐二年與紀異
謹加案聲明

夫人。丙子。融。賓。柳州。徭。蠻。叛。命。湖。廣。行。省。遣。官。督。兵。捕
之。丁。丑。敕。大。辟。罪。臨。刑。敢。有。橫。加。剗。割。者。以。重。罪。論。凡
鞫。囚。非。強。盜。毋。加。酷。刑。己。卯。詔。諭。百。司。各。勤。其。職。毋。隳
廢。大。政。丁。亥。封。綽。和。爾。為。句。容。郡。王。秋。七。月。壬。子。命。御
史。大。夫。布。呼。托。歡。達。爾。罕。拯。治。臺。綱。仍。降。詔。宣。諭。中。外。
乙。卯。封。伊。嚕。特。穆。爾。為。保。恩。王。賜。金。印。按。諸。王。表。封。保。恩。王
事。在。二。年。與。紀。異。
丙。寅。復。以。雅。克。特。穆。爾。知。樞。密。院。事。八。月。癸。酉。以。兵。部。尚。書
奇。塔。特。為。中。書。參。知。政。事。己。卯。車。駕。至。大。都。戊。戌。置。織。佛。像
工。匠。提。調。所。九。月。辛。丑。復。五。條。河。屯。田。以。中。書。左。丞。郭。貫。為

改刪
辛未之承旨刪

集賢大學士。改集賢大學士。王毅為中書左丞。冬十月辛未。
以趙孟頫為翰林學士承旨。壬申。有事於太廟。調四川軍二
千人。雲南軍三千人。于烏蒙等處屯田。庚寅。敕五臺靈
鷲寺置鐵冶提舉司。丁酉。申禁民有父在者。不得私貸
人錢及鬻墓木。十一月壬寅。命監察御史監治嶺北鈎
校錢糧。半歲更代。乙卯。改舊運糧提舉司為大都陸運
提舉司。新運糧提舉司為京畿運糧提舉司。澧州路安撫
司為安定軍民府。十二月庚午。以知樞密院事圖嚕庫為陝
西行省左丞相。壬午。授嗣漢天師張嗣成太玄輔化體仁

應道大真人掌江南道教事。丁亥立皇子碩迪巴拉為皇太子。兼中書令。樞密使授以金寶。告天地宗廟。陞同知樞密院事。綽和爾知樞密院事。

丁巳刪

四年丁巳春正月庚子。帝謂左右曰。中書此奏百姓乏食。宜加賑恤。朕思民饑若此。豈政有過差。以致然歟。向詔百司務遵世祖成憲。宜勉力奉行。輔朕不逮。乙卯。諸王托克托駐雲南。擾害軍民。以昂輝代之。丙辰。以知樞密院事鄂勒哲為雲南行省平章政事。閏月庚辰。封諸王博囉為冀王。丙戌。以立皇太子詔天下。給賜鰥寡孤

免剛

有差刪

獨鈔。減免各路租稅有差。辛卯。封拜特穆爾為汾陽王。二月甲辰。敕郡縣各社復置義倉。戊申。特授近侍鄂勒

幸改如

哲布哈翰林侍讀學士。知制誥。同修國史。三月辛卯。車駕幸上都。夏四月壬寅。加授太常禮儀院使拜珠大司徒。戊申。達哈蘇寇邊。吳王圖列納等敗之於和懷。己未。諸王釋埒薨。乙丑。禁嶺北酒。帝嘗夜坐。謂侍臣曰。雨暘不時。奈何。蕭拜珠對曰。宰相之過也。帝曰。卿不在中書耶。拜珠惶愧。頃之。帝露香默禱。既而大雨。左右以雨衣進。帝曰。朕為民祈雨。何避焉。翰林學士承旨和塔拉都

頃之剛

哩默色。劉賡等。譯大學衍義以進。帝覽之。謂羣臣曰。大學衍義。議論甚嘉。其令翰林學士阿拉克特穆爾。譯以國語。五月辛未。授上都留守庫庫楚。開府儀同三司。大司徒。乙亥。加封大長公主孟古岱為皇姑。大長公主。戊寅。改太子衛率府為中翊府。壬午。黃州高郵真州建寧等處流民羣聚。持兵抄掠。敕所在有司。其傷人及盜者。罪之餘。並給糧遣歸。以翰林學士承旨齊勤。特穆爾為中書平章政事。中書平章額卜德呼勒為集賢大學士。己丑。陞中書左丞鄂博。哈雅為平章政事。參政竒塔特。

為右丞。高昉為左丞。參議中書省事。和卓。張思明並參知政事。六月乙巳。內外監察御史四十餘人。劾特們德爾。姦貪不法。戊申。特們德爾罷。以左丞相哈克繖為中書右丞相。己酉。額卜德呼勒復為中書平章政事。壬子。以工部尚書王桂為中書參知政事。丙辰。敕諸王駙馬功臣分地。仍舊制。自辟達嚕噶齊。丁巳。安南國遣使來貢。秋七月乙亥。李孟罷。以江浙行省左丞王毅為中書平章政事。壬午。特授中衛親軍都指揮使布呼齊太尉。辛卯。帝諭省臣曰。比聞蒙古諸部困乏。往往鬻子女於

民家為婢僕。其命有司贖之。還各部。帝出見衛士有敝衣者。駐馬問之。對曰。戍守邊鎮。踰十五年。以故貧耳。帝曰。此輩久勞於外。留守臣未嘗以聞。非朕親見。何由知之。自今有類此者。必言於朕。因命賜之錢帛。八月丙申。車駕至自上都。庚申。哈克繖奏事畢。帝問曰。卿等日所行者何事。哈克繖對曰。臣等第奉行詔旨而已。帝曰。卿等何嘗奉行朕旨。雖祖宗遺訓。朝廷法令。皆不遵守。夫法者。所以辨上下。定民志。自古及今。未有法不立而天下治者。使人君制法。宰相能守而勿失。則下民知所畏。

避。綱紀可正。風俗可厚。其或法弛民慢。怨言並興。欲求治安。豈不難哉。九月丙寅。哈克繖言。故事。丞相必用蒙古勳臣。哈克繖回回人。不厭人望。遂懇辭。制以宣徽使博迪蘇為中書右丞相。哈克繖為左丞相。冬十月甲午朔。有事於太廟。壬寅。遣御史大夫布呼參知政事。王棣祭陝西嶽鎮名山。己酉。監察御史言。官吏丁憂起復。人情驚惑。請禁止。以絕僥倖。惟朝廷耆舊。特旨起復者。不在禁例。制曰可。戊午。海外婆羅公民船漂至溫州。敕江浙省資遣還鄉。十一月己卯。復浚揚州運河。壬辰。諭諸

大臣之出入冊

置詹之五行八員冊

己酉之檢司冊

宿衛八直。各居其次。非有旨不得上殿。闌入禁中者坐罪。大臣許從二人。他官一人。門者譏其出入。十二月丁酉。復廣州採金銀珠子都提舉司。乙巳。置詹事院。太子詹事四員。副詹事。詹事丞並二員。家令府。延慶司。設官並四員。典寶監八員。遣官即興和路及淨州。發廩賑給北方流民。己酉。盧溝橋澤畔店。瑠璃河。並置巡檢司。丁巳。以內宰領延福司事。圖們岱爾知樞密院事。特授晉王內史阿勒坦綽克金紫光祿大夫。魯國公。辛酉。改齊哩克昆民匠總管府為繕用司。

戊午冊

會試進士冊

五年戊午春正月乙酉。敕諸王位下民在大都者與民均役。丁亥。會試進士。湖廣平章邁珠加魯國公。大司農。二月癸巳朔。日有食之。丁酉。封諸王鴻和特穆爾為嘉王。圖們特穆爾為武平王。並賜印。戊申。建蓋頂殿於文德殿後。按輟耕錄載光天殿西北有蓋頂殿五間。後又有蓋頂井亭。蓋頂房。蓋頂之制三楹。其頂若筍之平。故名。考字書。蓋與麓通。蓋匣積之小者。命名之義取此。舊文誤鹿。辛亥。敕杭州守臣春秋祭淮安忠武王巴延祠。謹據改。乙卯。敕上都諸寺權豪商販貨物。並輸稅課。戊午。以扎蘭齊喇萬戶府為右衛率府。給書西天字維摩經金三

案蓋頂殿名輟耕錄所載制
僅三楹其頂若筍之平命名
之義取此舊文誤作鹿今改
謹加案聲明

千兩。庚申。罷封贈。三月戊辰。御試進士。賜呼圖克岱爾
霍希賢以下五十人及第。出身有差。庚午。立諸王鄂羅
木烏遜部。打捕鷹坊諸色人匠齊哩克昆總管府。乙亥。
特授安遠王綽哈開府儀同三司。錄軍國重事。知樞密院
事。癸未。給金九百兩。銀百五十兩。書金字藏經。夏四月
壬辰。安吉王竒塔特布濟克薨。庚戌。陞印經提舉司為
延福監。遣官分汰各部流民。給糧賑濟。免懷孟。河南。南
陽。居民所輸陝西鹽課。是時解州鹽池為水所壞。命懷
孟等處食陝西紅鹽。後以地遠。改食滄鹽。而仍輸課陝

是時之次頁一行免之刪

西。民不堪命。故免之。摩琳。特爾格。驛困乏。濟以馬五千
匹。遼陽饑。轉海漕糧十萬石於義錦州。以賑貧民。甲寅。
樞密院臣言。各省調度軍馬。惟長官二人領其事。今四
川省諸臣皆預。非便。請如舊制。從之。以齊諾史弼並為
中書平章政事。侍御史敬儼為中書參知政事。戊午。車
駕幸上都。五月辛酉朔。順元等處軍民宣撫使阿晝。以
洞蠻酋黑冲子子昌。奉方物來覲。丁卯。以御史中丞伊
拉齊為中書右丞相。壬申。監察御史言。比年名爵冒濫。
太尉。司徒。國公。接跡於朝。昔奉詔裁罷。中外莫不欣悅。

幸改如

制可改從之七行全

時魏王次頁初誅之刪
按魏王本紀訛作衛王今據表
改謹加案聲明

近聞禮部奉旨鑄太尉司徒司空等印二十有六。此輩無
功於國。載在史冊。貽笑將來。請自今門閥貴重。勲業昭著
者。存留一二。餘並革去。制曰可。癸酉。遣官分道減決。答
以下罪。六月辛卯。御史臺臣言。昔遣張律等經理江浙
江西。河南。田糧。虛增糧數。流毒生民。已嘗奉旨。俟三年
徵租。今及其期。若江浙江西。當如例輸之。其河南。請視
向例減半徵之。制曰可。癸巳。以典瑞院使庫春為集賢
大學士。領典瑞院事。大司徒乙巳。術者趙子玉等七人
伏誅。時魏王阿穆爾克以罪貶高麗。魏王元史作衛王。查宗室世系表及

諸王表皆作魏惟續綱目與此同蓋沿紀之訛謹據表改子玉言於王府司馬曹圖

卜台等曰。阿穆爾克名應圖。識於是。潛謀備兵器衣甲
旗鼓。航海往高麗。取阿穆爾克至大都。俟時而發行。次
利津縣。事覺。誅之。秋七月己未朔。李邦寧加開府儀同
三司。壬申。御史中丞趙簡言。皇太子春秋鼎盛。宜選耆
儒。敷陳道義。今李銓侍東宮說書。未諳經史。請別求碩
學。分進講讀。實宗社無疆之福。制曰可。癸酉。置餼廩司。
隸上都留守司。豐州石泉店置巡檢司。辛巳。立受給庫。
隸工部。戊子。加封楚三閭大夫屈原為忠節清烈公。八

制日可之九行烈公刪改從之

千帙刪

月庚子。車駕至大都。九月癸亥。大司農邁珠等進司農丞苗好謙所撰裁桑圖說。帝曰。農桑衣食之本。此圖甚善。命刊印千帙。散之民間。丙寅。廣西兩江龍州萬戶趙清臣。太平路總管李興隆。率土官黃法扶。何凱。並以方物來貢。賜幣帛有差。丁卯。以中書右丞宣徽使伊拉齊為中書平章政事。左丞高昉為右丞。參知政事和卓為左丞。吏部尚書音扎噶為參知政事。己卯。以江浙省所印大學衍義五十部。賜朝臣。辛巳。置大永福寺都總管府。壬午。敕軍官犯罪。行省咨樞密院議擬。毋擅決遣。丙

丁亥之洛場刪改冬十月

癸巳之使司刪

戊。以簽太常禮儀院事。果勒為中書參知政事。丁亥。立行宣政院於杭州。設官八員。冬十月己丑。罷膠萊莒密鹽使司。復立濤洛場。辛卯。禁大同冀寧晉寧等路釀酒。壬辰。建帝師帕克斯巴殿於大興教寺。給鈔萬錠。癸巳。改中翊府為羽林親軍都指揮使司。甲午。有事於太廟。癸丑。贛州路雩都縣里胥劉景周。以有司徵括田新租。聚眾作亂。敕免徵新租。招諭之。十一月辛酉。開成莊浪等處禁酒。壬戌。改黃花嶺屯儲軍民總管府為屯儲總管府。設官四員。山後民饑。增海漕四十萬石。增置大都

設官四員刪
增置之下面二行并言刪改
丁卯

陞改以

南北兩兵馬司指揮使。色目漢人各二員。給分司印二。丁卯。用監察御史奈曼岱等言。追奪建康富民王訓等白身濫受宣敕。仍禁冒籍貫宿衛。及考授遠方職官。不赴任求別調者。隱匿不自首者罪之。己巳。陞同知樞密院事忠嘉知樞密院事。丙子。集賢大學士太保庫春言。唐陸淳著春秋纂例。辨疑微旨。三書有益後學。請令江西行省鈔梓。以廣其傳。從之。癸未。敕江西茶運司。歲課以二十五萬錠為額。敕大永福寺創殿。安奉順宗皇帝御容。十二月壬辰。特授集賢大學士圖烈大司徒。辛亥。

己未刪 丁巳之方物刪

甲戌之八行制日可刪

置重慶路江津巴縣等處屯田。省成都歲漕萬二千石。六年己未春正月丁巳朔。暹國遣使奉表來貢方物。丁卯。敕福建兩廣雲南甘肅四川軍官致仕還家。官給驛傳。如民官例。癸酉。特授同知徽政院事超爾達爾罕金紫光祿大夫。太尉。甲戌。監察御史富珠哩朶等言。皇太子位正東宮。既立詹事院以總家政。宜擇年德老成。道義崇重者。為師保賓贊。俾盡心輔導。以廣緝熙之學。制曰可。己卯。廣東南恩新州徭賊龍郎庚等為寇。命江西行省發兵捕之。帝御嘉禧殿。謂扎爾古齊瑪魯曰。扎爾

古齊人命所繫。其詳閱獄辭。事無大小。必謀諸同僚。疑不能決者。與省臺臣集議以聞。二月丁亥朔。日有食之。改釋奠於中丁。祀社稷於中戊。崇星於回回司天臺。丁酉。雲南闍里愛俄。永昌蒲蠻阿八刺等並為寇。命雲南省從宜勦捕。乙巳。敕諸司不由中書奏官輒署事者。悉罷之。特授僧從吉祥。崇祿大夫大司空。加崇祿大夫大司徒。僧文吉祥。開府儀同三司。三月丁巳。以天壽節。釋重囚一人。辛酉。以御史中丞托克托呼為御史大夫。諭之曰。御史大夫。職任至重。以卿勲舊之裔。故特授汝。當

思乃祖乃父。忠勤王室。仍以古名臣為法。否則將墜汝家聲。負朕委任之意矣。丙寅。特授翰林學士承旨巴爾斯布哈。開府儀同三司。大司徒。己巳。敕諸王駙馬宗姻諸事。依舊制。領於內八府官。勿徑移文中書。封諸王伊嚕特穆爾為恩王。夏四月壬辰。中書省臣言。雲南土官病故。子姪兄弟襲之。無則妻承夫職。遠方蠻夷。頑獷難制。必任土人。可以集事。今或闕員。宜從本俗權職以行。制曰可。丙申。命京師諸司官吏運糧。輸上都。興和賑濟。蒙古饑民。庚子。車駕幸上都。以特們德爾為太子太師。

制可改從之

幸改如

甲午之六行東宮刪改癸
巳以米五千石賑大長公主
所隸貧民

聽民旬刪

內外監察御史四十餘人。劾其逞私蠹政。難居師保之
任。不聽。諸王格藏薨。五月丙子。加安南國王陳益稷儀
同三司。六月甲午。改繕珍司為徽儀使司。辛丑。置河南
田賦總管府。隸內史府。設達嚕噶齊總管同知各一員。
副總管二員。戊申。置勇校署。以角觝者隸之。癸丑。以羽林
親軍萬人隸東宮。丁丑。以濟寧等路水。遣官閱視其民
乏食者賑之。仍禁酒。開河泊禁。聽民採食。秋七月丙辰。
來安路總管岑世興叛。據唐興州。賜璽書招諭之。甲戌。
皇姊大長公主僧格喇實作佛事。釋全寧府重囚二十

七人。敕按問全寧守臣阿從不法。仍追所釋囚還獄。八
月甲申。以河東山西道宣慰使張思明為中書參知政
事。甲午。以授皇太子玉冊。告祭於南郊。庚子。車駕還大
都。丁未。告祭於太廟。閏月甲子。浚會通河。壬申。以太傅
御史大夫布呼為太師。癸酉。敕諸司有受命不之官。及
避繁劇託故去職者。奪其宣敕。九月甲申。以徽政使托
迪為太傅。陞參議中書省事奇徹為參知政事。癸巳。以
作佛事。釋大辟囚七人。流以下囚六人。戊戌。增海漕十
萬石。癸卯。御史臺臣言。比者官以倖求罪。以賂免。乞凡

陞改以

內外官非勲舊有資望者不許驟陞諸犯贓罪已款伏及當鞫而幸免者悉付原問官以竟其罪其貪污受刑奪職不敘者彘緣近侍出入內庭覬倖名爵宜斥逐之帝皆納其言浚鎮江練湖十月乙卯中書省臣言白雲宗總攝沈明仁強奪民田二萬頃誑誘愚俗十萬人私賂近侍妄受名爵已奉旨追奪請汰其徒還所奪民田其諸不法事宜令覈問有旨朕知沈明仁姦惡其嚴鞫之戊午遣中書右丞相博迪蘇持節授皇太子玉冊辛酉以扎爾古齊特穆爾布哈為御史大夫丙子以皇太子受

戊午之玉冊刪

按辛卯庚子之間不應有乙巳日無可據改姑仍其舊謹加案聲明

玉冊詔天下已卯浚通惠河十一月辛卯木邦路帶邦為寇敕雲南省招捕之乙巳按辛卯庚子間不應有乙巳日非癸巳即乙未之訛

謹識以秘書卿沙木斯鼎為大司徒庚子敕晉王部貧民

二千居青海屯田帝諭臺臣曰有國家者以民為本比

聞百姓疾苦銜冤者衆其令監察御史廉訪司審察以

聞十二月壬戌命皇太子參決國政封宋儒周惇頤為

道國公

續通考載封遼瑛為內黃侯從祀孔子

甲子省雲南大理大小徹

里等地同知使副官及儒學蒙古教授等官百二十四員已巳復吏人出身舊制其犯贓者止從七品壬申平

按紀失載封遼瑛事今為附識謹加案聲明

甲子之二十四員刪

庚申刪

癸未之朝賀刪

章政事王毅以親老辭職。從之。仍賜其父幣帛。癸酉。是夜風雪甚寒。帝謂侍臣曰。朕與卿等居暖室。宗戚昆弟。遠戍邊陲。曷勝其苦。歲賜錢帛。可不徧及耶。敕上都大都。冬夏設食於路。以食饑者。

七年庚申春正月辛巳朔。日有食之。帝齋居損膳。輟朝賀。癸未。帝御大明殿。受諸王百官朝賀。辛卯。江浙行省丞相赫魯言。白雲僧沈明仁。擅度僧四千八百餘人。獲鈔四萬餘錠。既已辭伏。今遣其徒沈崇勝潛赴京師。行賄求援。請逮赴江浙。併治其罪。從之。丁酉。帝不豫。辛丑。

壽改年 有刪

在位之上尊刪

仁宗以下刪

仁宗皇慶二年延祐七年
凡九年作第三行低三格

崩於光天宮。壽三十有六。在位十年。癸卯。葬起輦谷。五月乙未。上尊謚曰聖文欽孝皇帝。廟號仁宗。國語曰布延圖皇帝。仁宗天性慈孝。聰明恭儉。通達儒術。妙悟釋典。嘗曰。明心見性。佛教為深。修身治國。儒道為切。又曰。儒者可尚。以能維持三綱五常之道也。平居服御質素。澹然無欲。不事遊畋。不喜征伐。不崇貨利。事皇太后終身不違顏色。待宗戚勳舊。始終以禮。大臣親老。時加恩賚。太官進膳。必分賜貴近。有司奏大辟。每慘惻移時。其孜孜為治。一遵世祖成憲云。

